

"Even the weak become strong when they are united." Friedrich von Schiller

CGA PRODUSENTE LEDE REGISTRASIES

CGA gaan van volgende week af alle sitrusprodusente in Eswatini, Zimbabwe, Botswana en Suid-Afrika nader om by die CGA te registreer. Dit is om te verseker dat ons lidmaatskap databasis volledig is. Alhoewel ons glo dat ons die meeste sitrusprodusente wat aktief in die uitvoermark is, bereik, kan daar 'n paar gapings wees. Ons glo ook dat baie nuwe sitrusprodusente nie in ons databasis ingesluit is nie – dit is belangrik dat ons met hierdie produsente kommunikeer, en dat ons belangrike inligting van hulle vasvang om te verseker dat ons boomsensus volledig is, dat langtermynbeplanning gebaseer is op betroubare basislyndata, en dat hulle bewus is van geleenthede en bedreigings in die bedryf. **Wees asseblief op die uitkyk vir kommunikasie in hierdie verband en volg die eenvoudige proses om te registreer.**

DTIC BEVESTIG ONDERSTEUNING VIR ASIA FRUIT LOGISTICA 2022 EN FRUIT LOGISTICA 2023

Die Varsprodukte-uitvoerdersforum (FPEF) het bevestig dat die Departement Handel, Nywerheid en Mededinging (DTIC), die Suid-Afrikaanse stalletjie by Asia Fruit Logistica in Bangkok, Thailand, en Fruit Logistica in Berlyn in 2023 sal finansier. Dit is goeie nuus, want dit sal 'n sleutelgeleentheid wees om die belang van Suid-Afrika in die wêreldwye varsprodukte handelsarena te vertoon.

PRODUSENTE-AANBIEDINGS – PLAASVLAK ONTLEDING – MOENIE HIERDIE TERUGVOERSESSIES MIS NIE

As jy 'n sitrusprodusent in Suider-Afrika is en jy het nog nie bywoning van een van hierdie virtuele terugvoersessies bevestig nie, oorweeg dit asseblief om dit nou dadelik te doen. Dit is inligting wat jy moet weet soos ons in 'n moeilike tydperk vir die uitvoer van sitrusvrugte vanaf Suider-Afrika inbeweeg.

RSVP asseblief na Tanya tanya@cga.co.za – die skakel sal aan almal wat reageer, gestuur word.

Datum	Tyd	Streek Analise	Streke ingesluit
30 Mei	14h00	Ohrigstad/Burgersfort	Ohrigstad/Burgersfort
31 Mei	14h00	Wes-Kaap	Wes-Kaap, Noord-Kaap, Boland
1 Junie	10h00	Sondagsrivier	Sondagsrivier, Patensie, Oos-Kaapse Midlands
2 Junie	10h00	Senwes	Senwes
3 Junie	10h00	Letsitele	Letsitele, Hoedspruit, Limpoporivier, Zimbabwe
6 Junie	14h00	Nelspruit/Onderberg	Nelspruit, Onderberg, Eswatini, KZN

CITRUS ACADEMY – REGISTRASIE VAN BESTUURDERS: MENSLIKE HULPBRON- EN TALENTONTWIKKELING

Die Citrus Academy is betrokke by 'n verskeidenheid vaardigheidsontwikkelingsaktiwiteite. Om te verseker dat die relevante menslike hulpbron- en talentontwikkelingsbestuurders binne sitrusondernemings op hoogte bly van wat ons doen, vul die registrasievorm, via hierdie skakel in: <https://citrusacademy.org.za/citrus-academy-hr-reps-registration/>

GEPAK EN VERSKEEP

Einde van Week 20 Miljoen 15 Kg Kartonne	Gepak	Gepak	Gepak	Verskeep	Verskeep	Aanvanklike Skatting	Nuutste Voorspelling	Finaal Gepak
BRON: PPECB/AGRIHUB	2020	2021	2022	2021	2022	2022	2022	2021
Pomelo's PP (17kg)		1.3 m	1.7 m	0.6 m	0.7 m			
Pomelo's Klas 1&2 (17kg)		7.1 m	6.3 m	5.6 m	3.9 m			
Pomelo's	7.5 m	9.6 m	9.1 m	7 m	5.3 m	16.8 m	16.5 m	17.5 m
Mandaryne	5 m	5.5 m	4.9 m	3.5 m	2.4 m	34.5 m	34.4 m	30.9 m
Suurlemoene	13 m	12.5 m	11.1 m	10.2 m	7.1 m	32.3 m	32 m	31 m
Nawels	2.8 m	3.6 m	1.5 m	1.4 m	0.2 m	28.7 m	28.7 m	27.2 m
Valencias	0.1 m	0.2 m	0 m	0 m	0 m	58.2 m	58.2 m	55 m
Totaal	28.4 m	31.4 m	26.6 m	22.1 m	15 m	170.5 m	169.8 m	161.6 m